



Sabtu, 23 Juli 2022
Ogen: Keluaren 12:25-28



Susurken Pengajaren



Adi siukur-ukuri ibas kegeluhenta, kai nge sisusurken man kesusurenta? Salah sada sisusurken man anak kemputa, khususna kita kalak Karo eme merga ntah beru si babana. Banci saja lit erta tading-tadingen singingetken ia maka enda warisen nini bulang-nini tudung ntah orangtuana. Erlajar arah renungenta wari enda, kuga bangsa Israel ndatken pengajaren maka kerina kejadi-kejadi si inanamina jadi sada warisen si arus isehken, ituriken man anak kempuna. Bagenda me kenca bangsa enda ndalanken kai siikatakan Musa man bana ibas kebebasenna ibas malekat kematen nari. Jabu-jabu e ngerayaken Paskah sipemena alu napuken dareh biri-biri i binangun pintun rumahna alu batang hisop. Tetap tading irumah, seh maka Tuhan mentas inegeri kalak Mesir selmat ia kerina. Kejadi enda la terjeng keselamatan man bangsa enda tapi pe jadi kesaksin si enggo inanamina dengen arus tetap idalanken segedang geluhna amin pe kari enggo seh kutaneh siibereken Dibata man bana. Janah paksa ia ndalanken aturen e, gelah iantusi kesusurena denggo arus ikatakenna dahin eme guna pehaga Tuhan sabab sanga kalak Mesir ngenanami mara kematen anak sintua tapi kalak Israel pulah ibas sie. Ngayuken kata ras pedah Musa enda, kerina bangsa e ngelakoken kai siipedahken Musa ras Harun man bana.

Tep-tep manusia erbage-bage pengalamen geluhna. Kuga maka kerina pengalamen e la sia-sia? Kuga mahanca pengalamen e jadi pengalamen kiniteken si banci jadi 'warisen' meherga man anak kemputa? Tentuna tetap nuriken ras ngajarkenca, alu erbage-bage cara man bana. Mari kita tetap nusurken pengajaren kiniteken ras kegeluhen.

Jadikan Pengajaren kiniteken jadi tading-tadingen simeherga